

貴州教育官報

10.5

宣統三年閏六月出版

貴州教育官報

辛亥年第五期

辛亥年第五期貴州教育官報目錄

諭旨

宣統三年四月初十日至二十九日

上諭共四道

奏議

學部奏修訂存古學堂章程摺

學部奏酌擬改訂籌備教育事宜摺

學部奏核議北洋師範學堂優級選科畢業請獎摺

學部會奏中學以上學堂體操仿照陸軍練習摺

學部奏吏部學治館改作別科應再展長兩年畢業片

文牘

學部筭覆詳籌辦實業學堂情形及各屬預定辦法摺表查表內所擬六科應
遵章擬定報部立案其各屬之實業學堂所送預計表與一覽表不符仰即

遵照指駁各節專案列表詳報文

學部筭具奏議覆河南豫河客籍高等學堂預科學生獎勵並限制變通處案
一摺等因仰即按照所奏各節從速查辦文

學部筭奏定存古學堂章程第十條詞章學小註所載之全宋詩實係宋詩應
即更正行即照改文

撫院札准 學部咨所屬優級師範學堂均應切實講求外國文課程無論畢
業覆試不准援案請免試等因行司遵辦文

撫院札准 憲政編查館咨准兩廣總督咨商法政考試編班辦法變通改訂
咨明行司轉移遵照文

撫院札准 甘肅新疆撫院咨新疆開辦圖書報應調取各省書籍等因行司
查明詳覆咨送文

撫院札據清理財政局詳稱奉發諮議局議減各項比較表行司轉發各學堂

遵照文

本司詳 撫院據優級師範選科畢業生李兆儒等稟呈化學支會簡章請轉
咨立案文

本司詳 撫院據教育總會呈送女學聯合會簡章請核示文

本司移法政學堂奉 學部電覆法政學生請提前畢業與考法官一案文

本司札催各屬填送教職各員一覽表文

本司批牘選登

規制

學部修訂存古學堂章程

圖表

貴州省城官立高等小學堂學生畢業姓名分數表

公立達德高等小學堂學生畢業姓名分數表

公立時敏高等小學堂學生畢業姓名分數表

學術

最合宜之隨意運動法

論說

初等小學教育必須改良之緣起

雜味

授法批評之研究

貴州學務
公所印行

宣統三年六月廿四日

辛亥年六月廿四日

諭旨

監國攝政王鈐章 宣統三年四月初十日奉

上諭上年降旨飭將官制釐訂提前頒布試辦並即組織內閣旋經憲政編查館擬修正籌備事宜清單經朕定爲宣統三年頒布內閣官制設立內閣所以統一政治確定方輿用符立憲政體茲據憲政編查館會議政務處會奏遵擬內閣官制繕單呈覽一摺朕詳加披覽所擬內閣官制共九條採取各國君主立憲之制參酌現在時勢之宜審慎規定尙屬周妥又因閣制甫經創辦須以漸而進作爲籌備試行並擬內閣辦事暫行章程十四條權宜損益均屬可行曾經召見會議政務處王大臣等面加詢悉意見僉同著將內閣官制頒布遵照此項欽訂閣制設立內閣並卽照辦並暫行章程先行試辦除弼德院官制同時頒布外所有內閣屬官制京外官制各項仍著遵照修正籌備清單妥速擬訂陸續奏聞候朕頒布施行用副朝廷進行憲政力圖自強之至意欽此同日奉

上諭本日業經降旨設立內閣所有舊設之內閣軍機會議政務處著即一併裁撤
在內閣屬官制未經奏定以前以上各衙門舊設之章京侍讀中書等項人員著
暫由總協理大臣督率辦理日行事件其內閣官制內未載之應行改併各衙門
有應照內閣暫行章程辦理事宜均著暫行遵辦其未經規定各項暫仍其舊其
餘無關行政各衙門均照常辦理欽此

軍機大臣署名奕劻毓朗那桐徐世昌

監國攝政王鈐章 宣統三年四月二十三日奉

上諭龐鴻書著開缺另候簡用貴州巡撫着沈瑜慶補授欽此

軍機大臣署名奕劻毓朗那桐徐世昌

監國攝政王鈐章 宣統三年四月二十九日奉

上諭本日引見北洋大學畢業生攷列優等之朱焜郭養剛陳祖誨于震吳熾棻鄧
英傑梁朝玉詹榮錫楊卓鈕翔青均着賞給進士出身改爲翰林院庶吉士攷列

中等之周錫川趙玉田鄭禮謙孫亦試劉永嘉呂金藻陳樹銘陳朝棟水崇應均
著賞給進士出身以主事分部儘 補用其同日引見山西西學專齋考列優等
之仇元壽成元治劉學聖考列中等之左儒郭元章孫晉祺趙魁元曾紀春朱佩
張景良葛尙功柴維梓孫鴻業均著賞給進士出身欽此

軍機大臣署名奕劻毓朗那桐徐世昌

奏議

學部奏修訂存古學堂章程摺

奏爲修訂存古學堂章程恭摺仰祈

聖鑒事竊查光緒三十三年五月前湖廣

總督臣張之洞奏湖北設立存古學堂摺內開該學堂本年即行開學該堂章程規
係創舉擬請試辦後如無窒礙即請學部核定通行各省一律仿照辦理等語現在
該省存古學堂已設立數年各省亦漸有仿照設立者惟章程迄未通行未免彼此
歧異或有名而無實或費多而效少非將原章修訂通行不足以收整齊畫一之效
臣等查原章中於課程教法籌畫至爲精詳而辦理情形今昔既略有不同故條文
不無增易之處其管理規則亦惟原章所未及并參照他項學堂章程酌量加入俾
底完全至畢業年限在他項學堂中等高等併計皆在八年以上吾國古學精深比
之他項科學研究更爲不易原章定爲七年畢業期限較短自應比照他項學堂定
作中等五年高等三年以資深造又此項修明古學之人即爲將來經師大儒之選

固貴精而不必其多。臣部前於籌備單內奏定各省一律設立存古學堂。按之現在各省教育經費支絀情形實覺力有未逮。若勉強設立經費不充師資缺乏轉不足以得真材。自應由各省體察情形其財力實在艱窘者暫准緩設或與鄰省合併辦理。庶幾設立者皆屬完備之學堂。用副循名核實之意。如蒙 俞允即由臣部通

知各省欽遵辦理。所有臣等修訂存古學堂章程緣由謹另繕清單恭摺具陳伏乞

皇上聖鑒謹 奏宣統三年三月初五日奉 旨依議欽此

學部奏酌擬改訂籌備教育事宜摺

奏為 臣部應行籌備事宜酌擬改訂辦法請 旨遵行恭摺仰祈 聖鑒事宣

統元年八月准憲政編查館咨開本館會同資政院奏准各衙門所奏籌備事宜應於每年冬間將擬定次年實行辦法先期切實奏明請 旨遵行等因上年十二

月業經遵章辦理在案本年應辦各項事宜均照上年預定辦法辦理。埃考核屆期即當詳細奏報十月十一日奉 上諭前經明降諭旨縮改為宣統五年開設議

院所有關於憲法之各項法令及一切機關應責成該主管衙門切實籌備學部應籌教育普及等項著即迅將提前辦法通盤籌畫分別最要次要詳細奏明請旨辦理等因欽此臣部遵於十一月二十五日業將普及教育辦法分別最要次要繕單奏蒙

允准欽遵在案竊維憲政之行以教育爲始基然非機關完備籌畫周詳則無以收普及之效臣部奏陳普及教育辦法係專爲注重小學力圖普及起見均屬切要難緩之圖除改訂兩等小學課程訂定地方學務施行細則改訂勸學所章程三項業經奏請

欽定遵行外其餘最要次要各項應卽於明年次第趕辦以期進行至原奏應行籌備事宜按之現在情勢既有不同自不宜因循故轍致涉紛歧臣等公同商酌將最要次要事項分年列單並將原單妥爲改訂有爲原單所無應行增入者有爲原單所有應行刪除者有就原定條文略爲更易者有就原定年限酌爲提前者總期與普及教育之本旨切合無間並將各條分配宣統三年宣統四年冀於議院未開以前計日程功擬自明年爲始卽按照此次改訂事宜逐條籌

辦此外教育行政事務臣等仍當統籌兼顧切實舉行以期仰副 朝廷注重教育

之至意謹繕具清單恭呈 御覽伏候 命下遵行所有酌擬改訂籌備事宜

緣由謹恭摺具陳伏乞 皇上聖鑒謹 奏宣統二年十二月二十六日奉

旨著憲政編查館知道欽此

謹將臣部改訂籌備事宜繕具清單恭呈 御覽 宣統三年 改正部

頒小學堂教科書 擬訂國庫補助小學經費章程 擬訂國庫補助實業學堂經

費章程 擬訂試辦義務教育章程 擴充初級師範 規定小學各項經費程式

擬訂單級教授二部教授辦法 擴充初等教育補助機關 改良私塾 宜講所

識字 學塾 擬訂小學教員優待任免俸給各項章程 裁節已設學堂冗員浮費辦法

養成小學臨時教員並擬訂章程 養成小學單級教員並擬訂章程 頒布中

學教科書 頒布初級師範教科書 分二次 頒布 頒布初級師範教授要目 頒布女

子師範教科書 分二次 頒布 頒布女子小學教科書 頒布單級小學教科書 設立

國語調查會 頒布國語課本 實行檢定初級師範中學教員及優待教員章程

通行各省推廣實業教員講習所 續派視學官分查各省學務 編纂教育法

令 擬訂監督私立學堂章程 派員分查蒙藏回各地方籌辦學務 宣統四

年 修改部頒各種教科書 頒布檢查學生體格章程 續頒初級師範教科書

續頒女子師範教科書 續編教育法令 續派視學官分查各省學務 通行

各省師範學堂試辦教授國語 頒布教育基金令 擬訂認定公立私立學堂章

程 高等小學以上學堂試辦教授國語 推廣義務教育 派員續查蒙藏回各

地方籌辦學務 調查全國識字人民數目 奏請 欽頒教育法令

學部奏核議北洋師範學堂優級選科畢業請獎摺

奏爲核議北洋師範學堂優級選科學生畢業獎案恭摺具陳仰祈 聖鑒事內

閣鈔出直隸總督陳夔龍具奏北洋師範學堂學生畢業請獎一摺奉 硃批學

部知道欽此欽遵鈔交到部原摺內稱北洋師範學堂專修科學生肄業三年期滿

舉行畢業考試取定等第分別覆試核獎等因並准該督咨送各該生履歷分數表
 册及畢業試卷前來查該堂專修科比照定章選科辦理前經報部有案除最優等
 畢業各生經臣部調京覆試分別奏請給獎外其優等以下各生試卷臣等督飭司
 員分門校閱記分過濫者酌加核減並查照臣部奏定專就主課計分降等新章分
 別降等降列入下等各生照章勿庸議獎外計歷史地理科優等孫桂岩劉仲仁田
 鴻濤王紹庭苗培張印瑞王建中李克均鄭金潔白受采方桐印谷家麟馮訓清趙
 廷楨張煥文李贊廷孫廣雲王惠澂等十八名中等穆景濂孫溫如蘇景泉王際昌
 張寶珍王元明夏景森廷獻張銜齋王河趙允元胡維鏞萬嘉蔭柳振綱馮雲峯祁
 嗣宗沈祖謨柴續祖靳文魁銘勳劉芳春等二十一名理化數學科優等田遊璧盧
 化南齊澣姚光紱劉炯文張雲江王德溥楊德化張詣敬晁書錦陳作善趙邦彥于
 常慶楊景程牛著王珣等十六名中等烏雲珠宗英胡維均張家德叢桂榮徐振華
 孟文奇富仲翔劉文星王德元劉繼助魏毅榮凱黃鈺溫文燦牛兆豐張日輔阮掾

三張沛卿晏淦楊蘭亭等二十一名博物科優等郭寶鎔王乃昌王會海連秉道王炳南欒自新胡魁第陳景琳謝棟蔡克勤李培蓀牛漢昭李式箴徐壽齡金寶善賈榛瑞呂春霖李慶墀劉炯第朱其焜許澤溥郭鍾秀王憲章汪慶魁董雲龍肇國許毓芳陳志清王鳳鳴等二十九名中等竇汝江王璞真賈智方王肇綸高鳳超張星藻賈安亞史立身劉萱溫開仁鄭卿雲襄雲李恆熙孫耀祖李士焜王汝賡耿義張昶齡李環第十九名文學教育科優等張景明劉招鵬王樹槐靳鴻辭任綺章楊培源趙希復楊開智侯玉田王蔭椿白長庚張國賓傅景萊連德純王恩樹葛秀靳天培趙惠南吳永培王文超劉樹楷孫名珍楊肇麟陳步蟾黃瑞亭齊振柵等二十六名中等姜藝林陶葆清張文潤李挺生崔凌雲楊謨于溥李權衡王延祉王維藩楊紳王紀成李宗棠陳夢塘程恩暄趙植楷等十六名圖畫手工科優等廣治崔文李敬增李蘭生劉鳳湘陳榮階邵彭齡王清華趙如芬賈靜熙玉銘馬鑑澹周懋昌李毓林汪孝堃吳述文韓振經等十七名中等曹銘李嘉張乃賡楊學程路鐸相世清

修泮林馬遇荅石玉振吳培脈傅廷獻史立倫張廟相宗景釗玉田常祺史鴻慈等十七名均請遵章比照優級師範下等辦理令充中學堂及程度相當之各項學堂副教員或高等小學以下各項學堂正教員俟義務年滿作爲師範科舉人獎給中書科中書銜如蒙 俞允即由 臣部欽遵分行遵照辦理所有北洋優級師範選科優等中等畢業各生請獎緣由謹恭摺具陳伏乞 皇上聖鑒謹 奏宣統二年十二月二十六日奉 旨依議欽此

學部會奏中學以上學堂體操仿照陸軍練習摺

奏爲遵

旨議覆恭摺仰祈

聖鑒事宣統二年十二月初四日准內閣鈔出

東三省總督錫良奏變通奉省中學以上各學堂所授兵式體操仿照陸軍練習打靶一摺奉 硃批該部知道欽此欽遵鈔交到部正在核議間是月二十五日復

准軍機處鈔交御史溫肅奏請將中學以上學堂兵式體操仿照陸軍教練一片奉

旨著學部知道欽此查原奏內稱中學以上各校體操一門均習兵式而比之

陸軍之教練相去懸殊有形式而無精神於體育似未完備不足養成強毅堅卓之人才矧綜覽奉省時局尤以補救文弱之敝提倡尚武之風爲當務應請量予變通定章酌減隨意科目實行練習打靶等語查學部奏定學堂章程內載中學以上悉用兵式及器械體操并有教中隊教練槍劍術野外演習及兵學大意等語定章之初極力注重體育原所以挽柔弱不振之風而救從前文武分途之積弊上年十二月二十七日陸軍部會議奏請 飭明訂軍國民教育摺內稱京外普通各學堂課本規則應請 飭下學部按照軍國民教育宗旨特爲編訂等因業經奏請咨行 臣部欽遵辦理是該部所陳與 臣部定章用意亦極相照合奉省地居邊陲形勢衝要其情形與內地迥有不同中學以上各學堂學生程度較高所請變通定章實行練習打靶一節用意甚深自可照准惟中學以上所授功課并無隨意科目實屬無可酌減且將打靶列入課程糜費亦屬不貲擬於每學期內擇定一星期日由各校監督教習率領學生於學堂之外擇地練習其體操教員必須延聘陸軍畢業學

生按照陸軍教練成法悉心教授至所需應用彈藥應於臨時一面由各學堂監督呈請提學使具文詳請一面由該省總督核定實在數目飭由督練公所發給各學堂務須遴派妥員前往承領練習之日應由各學堂監督眼同體操教員按之學生名數勻配演放平時不准在學堂內儲藏彈藥學生演習如有尙未用罄者應令悉數繳納亦不准任意攜帶致滋危害其監督及體操教員尤應嚴密隨時稽查慎重將事以重責成如蒙 俞允即由 臣部咨行該督轉飭遵照辦理此係因奉省情勢稍殊特別量予變通各省中學堂以上各學堂均不得援以爲例該御史所請一律仿照辦理之處應請勿庸置議所有遵議緣由理合繕摺具陳伏乞 皇上聖鑒再此摺係學部主稿會同軍諮處陸軍部辦理合併聲明謹 奏

學部奏吏部學治館改作別科應再展長兩年畢業片

再本年正月二十一日吏部具奏學治館原定一年半畢業去年年假前已歷三學期該學員等願延長學期擬請援照學部奏改法政學堂別科章程定期三年畢業

其學科及畢業獎勵亦均按照別科章程辦理等語奉 旨知道了欽此欽遵移咨前來臣等查各省自籌備憲政以來凡從前在一年半以上之講習科畢業者無不呈請延長學期改爲別科惟別科課程與講習科課程原各不同若以講習科修業之時抵別科之全數學期雖年限無甚出入而功課究多參差是以臣部前經咨行各省凡原係一年半畢業之講習科欲改別科者應延長學期兩年原係兩年畢業之講習科欲改別科者應延長學期一年半方准作爲別科畢業該館原定章程既係一年半畢業現在改作別科自應再展長兩年畢業庶與各省講習科改別科之案歸於一律如蒙 俞允即由臣部咨行吏部欽遵辦理謹附片具陳伏乞

聖鑒謹 奏

文牘

學部劄飭公件

學部劄覆詳籌辦實業學堂情形及各屬預定辦法摺表查表內所擬六科應
遵章擬定報部立案其各屬之實業學堂所送預計表與一覽表不符仰即
遵照指駁各節專案列表詳報文

爲劄行事實業司案呈准貴州巡撫咨開據署提學使陳驥詳稱案奉憲台劄開宣
統二年五月二十八日准學部咨開實業司案呈貴州實業教育表中等工商業學
堂應即提前設齊並將礦業中學堂各項表冊報部以便奏報等因一案除原文有
案邀免冗錄外後開爲此仰該司查照辦理等因奉此查實業教育爲當今急務現
當厲行禁煙尤以提倡實業爲救濟良策曾於本年三月詳陳遵辦大綱並通飭各
屬切實酌量地方情形於農工商三項究以何項爲宜預爲籌定填表呈報免致徒
託空言毫無實際嗣據各屬先後填表申覆前來本署司詳加察核向係就地籌畫

多屬可行其有未經擬定者仍斥令切實籌畫既擬定者責令刻期成立以利民生而重憲政茲奉前因除將中等工業學堂礦業科課程規章及教員學生履歷另文詳報外所有本署司籌辦實業學堂情形及各屬預定辦法理合繕具摺表具文詳送伏候查核咨行學部查照實爲公便等情到本部院據此相應咨請查照施行并表摺各一分等因前來查黔爲山國地土瘠饒交通閉阻商業既無從發舒農業亦難於提倡而地利之蘊蓄無窮天然之物產甚富該省籌辦實業教育擬從工業入手洵能扼要就省城先辦中等工業上可爲高等之預備下可應初等之師資且可使急於謀生之人學成致用增益社會生計辦法尤見斟酌所擬七科除礦業一科另行核復外其餘六科務即遵照奏定章程擬定詳細課程科目及管理教授方法鐘點送部查核立案其招取學生資格亦應遵照定章辦理庶免文書往返駁詰開學後或致更改課程學生有功輟半途無所適從之苦外國語一門本部續奏實業教育課程已列入必修科一律定爲英文不得俟稍有進步再行添課更不得兼習

德文以免歧異其預科別科藝徒科均准開辦實業教員講習所向分簡易完全兩科該省擬就中等工業學堂內附設木工科講習所自係簡易科辦法應即聲叙清楚與擬辦之中等工業預科別科及藝徒科課程科目及學生資格履歷經費出入分別列表報部再行立案實業教員講習所簡易科獎勵義務前經奏定比照初級師範簡易科辦理義務年限定爲四年該省擬改爲通學減少服務一年係爲撙節費用便利學生起見應准變通辦理本部前奏各府州縣中初實業學堂期限早經通行在案乃所送全省實業學堂預計表已辦之中等學堂僅有遵義府一所已辦之初等學堂僅有天柱縣一所藝徒學堂僅有赤水廳一所未免過於延緩且該兩學堂亦並未報部其遵義府中等蠶桑學堂畢業一班等第名冊速行咨部查核勿再延誤綏陽一縣據前送該省實業學堂一覽表內有蠶桑學堂一所此次所送預計表已辦學堂格內該縣學堂轉未列入是否業已停辦抑係漏叙應並聲明此外各府州縣未經填報者尙居多數至已填報各府州縣有僅辦一項之一科者有就

一項開辦二三科者有兼辦兩項者有三項兼辦者其僅辦一項之一科者究擬何年成立其開辦二三科者擬由何科遞及何科表載貞豐一州工農並辦黃平一州農工商並辦度該兩州財力恐不能同時並舉先後緩急之間亦應預爲籌畫分別支配印江縣初等工業列有皮紙一科雖爲定章所無惟皮紙爲該縣土產大宗暫准變通設置其一切詳細科目應妥爲擬定送部備核提學使有總持全省學務之責爲全省學務匯歸每立一堂自應就各府州縣地方程度詳爲規畫既須審查現在之情形詳爲設施並宜預定將來之計畫先爲綢繆應就部指各節未經填報各州縣應設學堂通盤籌措專案列表報部事關籌備事宜該司務當認真督飭以促進行而重憲政除咨貴州巡撫外爲此飭行該司遵照辦理可也切切此飭

學部筭具奏議覆河南豫河客籍高等學堂預科學生獎勵並限制變通成案

一摺等因仰即按照所奏各節從速查辦文

爲飭行事普通司案呈宣統三年四月二十九日本部具奏議覆河南豫河客籍高

等學堂豫科學生獎勵並限制變通成案一摺奉 旨依議欽此欽遵到部原摺內稱戊申截限之奏章頒布已兩年有餘而各省變通請獎之案尙絡繹不絕若一聽其延宕殊不足以昭劃一擬自此次奏明之後由臣部通行各省凡畢業在戊申以前修業滿八學期以上者均准給獎滿六學期以上者均准應升學考試其畢業在先而尙未報部請獎者應從速補報一律截至本年年終爲止過此以往無論學堂何時開辦學生何時入堂不滿足五年者概不准援案瀆請以嚴限制而示整齊等語事關釐定學務亟應依限遵行除咨行督撫查照外爲此箚行該提學使司即便按照所奏各節從速查辦無得宕延逾限致干駁詰切切此劄

學部節奏定存古學堂章程第十條詞章學小註所載之全宋詩實係宋詩應即更正行即照改文

爲通劄事專門司案呈本年三月初五日本部奏定存古學堂章程業已通行各省照辦在案查原章第十條詞章學小註所載之全宋詩實係宋詩鈔於刷印時繕寫

錯誤應即改正爲此劄行該司劄到即便照改此劄

撫院札飭公件

撫院札准 學部咨所屬優級師範學堂均應切實講求外國文課程無論畢業覆試不准援案請免試等因行司遵辦文

爲札行事宣統三年四月二十八日准 學部咨開普通司案呈案查奏定學務綱要內載中學以上各學堂必勤習洋文等語又查優級師範學堂課程英文係通習科目優級師範選科併日文亦列通習科內均非隨意科目可比誠以肄習外國文字以治西學則爲窮原探本之塗以治中學亦收融會貫通之效各該堂應如何懷遵定章認真講授乃本部本屆覆試各省師範畢業生核閱所呈英日文教科書籍程度異常淺近試期既迫又復文電交馳請予免試該生等既經畢業本部固未忍苛繩惟長此玩視定章率請免試亦復成何事體應由提學司轉飭所屬優級師範學堂無論補習科公共科選科分類科所有外國文課程均應按照定章切實講授以後無論畢業或覆試外國文一門一概不准援案呈請免試以重定章相應咨行

查照轉行提學司飭知所屬優級師範學堂遵照辦理可也等因到本撫院准此合就札行爲此仰該司轉飭遵照辦理此札

撫院札准 憲政編查館咨准兩廣總督咨商法政考試編班辦法變通改訂

咨明行司轉移遵照文

爲札行事宣統三年四月二十四日准 欽命憲政編查館王大臣咨開准兩廣

總督咨開據法政學堂監督咨稱本學堂自宣統元年續開新班均遵照京師法政學堂章程辦理其月選分發到省之捐納保舉兩項人員則遵照憲政編查館考驗外官章程在本學堂考以國文或公牘文字分別取錄應習長期者附入別科應習速成者附入講習科歷經辦理在案宣統三年正月初九日准提學使司移送宣統二年十二月十九日學部奏定改訂法政學堂章程一本到堂查章程內已將講習科章程廢止其第九條內載別科入學考試時應試國文地理歷史（程度應與中學堂畢業者相當）算學格致（程度應與高等小學堂畢業相當）五門等語嗣

後本學堂續開新班招考士紳自應遵照改訂章程辦理惟月選分發到省之捐納保舉兩項人員如有國文通順而不能受地理歷史算學格致之試驗者或試驗均未及格者若仍遵照憲政編查館章程准其附入別科教授或別開講習一班專令此項人員入學肄業則與學部改訂別科入學考試及廢止講習科之新章互相抵觸若仿照憲政編查館補習國文辦法特開補習一班先令到省各員入學授以國文地理歷史算學格致及法制經濟等普通科學俟一年期滿後再行考試分別取錄附入別科教授則必於本學堂所開紳班之外別開官班而此項人員往往不足一班之名額則與改訂章程第五條又不相符即令人數足額時而本省官班學員向例不收學費則各科教員所需之薪修又將溢出於預算經費之外本監督再四籌思諸多窒礙所有本學堂對於月選分發到省之捐納保舉兩項人員應遵照憲政編查館章程學習法政者宜如何考試編班之處據情咨請核明前來查本館奏定考驗外官章程學習法政辦法係專爲已入仕途者講求法政曲爲裁成起見與

學部奏定法政學堂章程循序漸近造就專門人才者微有不同所有考試入學資格仍可按照本館定章辦理其畢業考試勸懲辦法亦宜查照歷次奏咨規定切實遵行庶不至有名無實茲准兩廣總督咨商考試編班辦法自應再為詳細訂定畧為變通以利推行總期入任人才日有起色所有改訂辦法七條另列清單除咨復兩廣總督外相應咨明貴撫查照辦理可也等因前院未及核辦移交到本撫院准此合就札行爲此仰該司轉移藩司暨法政學堂一體遵照辦理此札

計開

改訂官班法政學堂辦法七條

一法政學堂有別科者官班長期各員得附入別科肄業如無別科者應另開三年

一班其學科卽照學部改訂別科章程辦理

一官班之附入別科或入另立三年班者入學資格均仍以國文通順爲主其畢業

獎勵懲戒辦法亦卽照憲政編查館章程分別核辦

一官班速成各員得於法政學堂另設一年半一班其學科應適用學部前定講習
科章程至所得畢業獎勵仍應照憲政編查館章程核辦

一官班班在別科或在另立三年班肄業者入學時如能按照學部改訂法政學堂
章程第九條辦理畢業又與學生一同考試計分應准照學部章程請獎

一官班如有中學堂畢業願入法政學堂正科者准其附入肄業其攷試獎勵亦均
照學部章程辦理

一官班入速成科及長期之附入別科或入另立之三年班由督撫攷試後每一學
期開一新班分別編入肄習如人數實在太少不能成班可展緩一學期後再開
新班以省繁費每班開學在一月以內者准其插班補入

一月選分發到省攷試時文理不通者原擬開班補習國文一年現在各省多未舉
辦嗣後此等人員予限一年令其在外自修不必開班補習期滿攷驗文理通順
即准入學否則再展一學期令其自習如仍不通順即分別奏咨勒令回籍

撫院札准 甘肅新疆撫院咨新疆開辦圖書報應調取各省書籍等因行司

查明詳覆咨送文

爲札行事宣統三年五月十四日准 甘肅新疆撫院聯咨開案據護理新疆提學使張銑詳稱竊維學校之振興端資教育而文明之發達實賴圖書所以麟筆修經龍門輯史罔不搜集寶書網羅典籍供一時之取求秦漢而後猶多以名山著錄秘閣收藏見重於世近來東西各國其於都會所在亦莫不有博物館藏書樓之設俾士人藉資瀏覽蓋輸進文明保存國粹圖書實其嚆矢也新疆孤懸塞外風氣晚開雖設省已廿餘年而文獻殊形缺略除學堂應用書籍由 學部頒發並內地購運外其本地暨無自刻精本亦尠舊有藏書更未有淹通博雅之才確有心得裒然成一家言用資甄錄護司蒞任以來時加採訪新書舊版均屬闕如爲可歎也茲查學部定章各省圖書館統限於宣統二年一律成立護司暫權學篆責無旁貸雖人才缺乏經費艱難亦惟有竭力經營期成美舉現正籌畫地址擬即於學務公所附

近創建圖書館一座並將博物館合併設立於宣統三年上學期開辦將以皮藏古
今書籍宏獎士類藉以啓愚昧而進開通惟是僻處邊隅較內地轉運爲難不能不
先事預籌亟圖徵取查直隸河南安徽山東山西廣東廣西江西吉林等省曾以開
辦圖書館調取各省書籍有案新疆事同一律合無仰懇憲台分別轉咨各省請將
官局及特別自有曾經審定之圖書每種賜送一份來新以備開辦庶幾借彼珍藏
餉我學子牙籤錦軸蔚爲奇觀宏鼓鑄於遐方卅六國習皆滌舊廣薰陶於異族億
萬戶民慶作新實所厚幸除俟圖書館籌定地址將建築一切情形並另擬章程詳
請 奏咨立案外所有調取各省圖書緣由理合備文詳請鑒核等情到本部院
據此相應咨明爲此合咨請煩轉飭查照辦理見覆等因到本撫院准此合就札行
爲此仰該司查明詳覆以憑咨送此札

撫院札據清理財政局詳稱奉發諮議局議減各項比較表行司轉發各學堂

遵照文

爲札發事案准 前院移交清理財政局詳稱案奉札發諮議局呈覆議減宣統三年分豫算冊內民政教育實業三項經費清摺四扣劃一表一張比較表四本下局除原文有案邀免冗錄外後開查此次諮議局對於宣統三年本省豫算議分三項辦法共計民政教育實業各項節省銀十一萬二千七百兩有零自應發交各主管衙門切實核計能照裁節固善若不能盡依所議亦須將理由分晰聲明以便筭行再核至比較內所列各項同一名目爲數多少甚形參差殊非整齊畫一之道亦應逐加釐訂通行各署局照辦以歸一律合就筭發爲此札仰該局會同布政司悉心查核將清摺四本分移各主管署處刻速核覆仍由該局彙核詳覆以憑照筭其比較表即由該局核訂齊一列表詳覆分別筭飭遵行一面仍俟資政院度支部將所核豫算咨到之日再行查照分轉事關豫算慎勿延誤等因奉此除將清摺四扣遵照札飭會同布政使司分移各主管署處詳細核覆再行詳請示遵外遵查比較各表誠屬參差不齊劃一表既據諮議局稱係調查本省物品勞力實在情形而定逐

加覆核均可照辦以歸一律惟薪工一類其中如印刷所工頭等項每月辛工有多至二十兩者良由黔省風氣初開不免借材異地又非本省勞力之比今諮議局既未議減故亦暫仍其舊又雜用必要兩類時價恐有低昂現雖暫作標準嗣後倘有物價增高應請隨時准予聲明詳准辦理以昭允洽茲將各項比較表按照諮議局劃一表釐訂整齊完竣除議減各款應俟各主管署處核覆到日並俟豫算總冊由度支部咨行到黔再行核議外理合先行具文詳送併將原發摺表隨同呈繳伏候查核等因一案到本院准此查此案業經前院批行該局云詳悉前發諮議局比較表四本既經逐項釐訂另表呈核仰候分別割飭遵照至議減各款仍俟豫算總冊奉准 部咨再行核辦此繳表摺分別存發並飭行諮議局在案茲准將印就各項比較表移送前來合就札發爲此仰該司即將發下各項比較表轉發各學堂遵照此札

本司詳飭公件

本司詳 撫院據優級師範選科畢業生李兆儒等稟呈化學支會簡章請轉
咨立案文

爲詳請轉咨立案事案據優級師範選科畢業生李兆儒等稟稱竊維工業進步固
由學者之精研而學理發明實資實驗之互助蓋實驗與理論本相輔而行無理論
固不能促實驗之進步無實驗尤無以徵理論之確適二者誠缺一不可也我國自
實驗理論分爲兩途學者專談空理而不思實用工人泥守成規而不求真理背道
分馳日復一日馴致坐擁天然物產而不知保護與利用之法以演成今日之貧弱
未始非此階之厲也况今物質文明競爭日烈門戶開放劣敗自形於此而不籌所
以抵制之吾恐金融外溢經濟內侵精液既涸死亡立待雖政治如何改良教育如
何講究非合實驗理論於一爐而冶成所謂實業界競爭終不足以言抵制此化學
實驗會日繁於生等思想中而未發也現聞 學部准留歐學生化學支會之請有

飭各省應設化學支會之文又幸際大人以經義入官化學名世自提學是邦罔不以提倡斯學爲責任近以工業學堂困於經濟未及開辦乃有飭實業科組織中國化學會貴州支會之意以惠我黔人生等何幸而得此盛遇哉不禁於引領待命之餘擅擬化學分會草章藉供芻蕘之采至會中應需器械藥品及調查實驗各費爲數甚鉅除由生等分擔會費外擬請酌籌常年的款補助將來公家器械藥品到黔會中所不能自置者並乞准隨時借用以資實驗更有懇者化學一科我國原屬幼稚貴州尤乏專家大人理化宏博中西淵貫擬請公假臨會略出緒餘藉啓蒙瞶一方使貴州實業得以早爲發展如蒙俯允不僅生等之私幸也是否有當理合繕具稟摺伏候察核詳咨示遵等情據此當經本署司以該生等所擬設化學會支會本與實業學堂相輔而行黔中經濟困難高等實業學堂未及開辦此項學會尤不能不早爲提倡蓋費省而效速較易於學堂辦法也查前奉 前撫憲札准 學部咨行開辦當飭實業科遵章籌辦旋經擬定大綱正議舉行茲據稟稱各節用意亦復

相類自應照准至實驗調查兩項需費本鉅而公款異常奇絀勢難籌撥惟此事關係實業前途良非淺鮮公中能否資助應候詳請 撫憲酌核器械藥品有宜由官

立學堂及試驗場借用者即由實業科向該堂商酌借用以資實習該生等志存實業本司職守所關自無不樂予研求所請臨會講授一節亦可照請辦理簡章各條尚皆切實可行准即詳咨備案會中一切情形仰由實業科會同辦理等語除批飭知照外所請補助常款一節公中能否資助未敢擅專理合將呈到草章繕摺具文詳請 憲台俯賜查核示遵並請轉咨 學部立案實爲公便須至詳者 清摺附

中國化學會貴州支會草章

第一條 名稱

本會謹遵部頒中國化學會留歐支會辦法定名貴州化學支會一俟中國化學總會成立後即隸屬之以期統一

第二條 宗旨

貴州教育官報
本會以研究化學謀實業之發達爲宗旨

第三條 事務

本會事務分實驗調查通訊編輯幹事五部各部另有細章

甲實驗部 本部以實驗化學之理期於實用爲主分普通特別製造三項

一普通實驗 每會由會中公請總理臨會指示一切並公推熟諳化學者一

二人照普通化學實驗法依次實驗以增進會員學識

二特別實驗 凡遇新獲物質欲考求其定性定量者爲特別實驗此等實驗不限次數由會員隨時行之但須確爲研究之實驗並須有實驗筆記

三製造實驗 本化學之理製造品物促實業之發達

乙調查部 本部以調查關於化學之工藝物產爲主分省內省外及外國三項

一省內調查 凡本省各府廳州縣工藝物產由會員分任調查

二省外調查 各省既設有支會者通函互請調查未設支會者函託親友調

查

三外國調查 東西留學諸君既設有支會者通函互請調查未設支會者函託親友或本省留學生調查

丙通訊部 本部爲省內外及外國通訊機關凡本會函件往來皆歸此部辦理
丁編輯部 本部職司編輯分定名詞譯書報輯雜誌三項

一定名詞 新舊化學名詞有未當者彙陳意見候 學部及總會裁訂

二譯書報 關於化學工藝之東西書報隨時選譯以廣見聞

三輯雜誌 凡本會實驗筆記調查報告會員譯著以及理學界新聞會事錄要各件隨時彙輯成冊定期發行

戊幹事部 本部以經理會務爲主分庶務會計二項

一庶務部 籌備會中一切事務

二會計部 主管會中經費之出納

第四條 職員

本會擬請由學憲總理以便提倡並設各項職員如下

會長一員 承總理命主持會務

實驗部長一員 主管實驗部事務

部員無定額 由會員全體擔任

調查部長一員 主管調查部事務

部員無定額 由會員全體擔任

通訊部長一員 主管通訊部事務

部員四員 協助部長

編輯部長一員 主管編輯部事務

部員六員 協助部長

以上各員除會員全體擔任者外均由會員投票原額加倍選舉候總理酌定任期以一年為限得連選各部事務有關係較密者亦得兼任

幹事部長二員

部員二員

會員無定額 凡曾習化學而表同情於本會者經本會二人以上紹介會長認
可得爲本會會員

第五條 經費

本會置備一切器械藥品以及實驗調查印刷各費除由會員分擔外餘均擬請
學憲酌籌的款補助

第六條 會所

本會擬暫借理化專修科講堂爲會所

第七條 會期

本會會期分二種如下

一常會期 定每星期六午後七時至九時爲常會期

二大會期 每年以五十兩月爲大會期

常會期專重化學實驗及宣布調查報告大會期公議會中一切事務及公決次條事項改選次年職員會議規則另訂

第八條 賞罰

凡會員最熱心於會中公益或任事最多裨益實大者經會員三人以上舉薦於會長並經多數公認後由會長呈請總理獎給紀念品以彰其功

凡會員不遵公章或行爲不檢有碍本會名譽者經會員三人以上舉發由會長交會中公決後分別輕重呈請總理施行以下三罰

一 勸戒

二 懲罰

三 退會

第九條 附則

本章程經總理核准後即應遵照實行如舉行一年後尙有未盡妥協經三人以上同意可於大會時提出修改仍候總理施行

本司詳

撫院據教育總會呈送女學聯合會簡章請核示文

爲詳明事案據教育總會呈稱案據女學聯合會呈稱爲呈懇轉請立案事竊以家庭社會之改良必自女子教育始已盡人而知之然欲潔其流宜先濬其源欲牖其明宜先去其蔽亦莫不盡人知之而不實行則於女學無濟也本會於各女學之成立先後不等歷年以來對於內部之激刺外畧之障害受之者亦時有所聞極其弊之所在皆由各處於孤立地位聲氣難通不能交互維持所致若循此不變恐終歸消極蓋未有公共之弊害不除可以圖共同之進益者念女學前途堪危因集辦學同人組會聯合並擬具會務草章黏乞先賜討論酌其是否可行然後轉請查覈准其立案俾省城各女學得同一之保護守畫一之進行即於此推廣教育而不難實爲公便爲此備由呈懇教育總會賜答須至公呈者計附省城女學聯合會草章一件等情據此本會當由職員會提出討論所有該會宗旨並所擬簡章尙屬可行應請俯准立案又因女學生行路之時常有輕浮子弟迹近戲謔擬請會商巡警道設法保護故有請發會員符號之文計粘抄省城女學聯合會草章一件等情

據此除移會巡警道查照外理合將草章繕摺具文詳請 憲台俯賜查核示遵須

至詳者 粘單附

省城女學聯合會暫擬草章

一名稱 本會係集合省城各女學校組成故定名曰省城女學聯合會

二宗旨 本會以祛除女學校公共障害謀女學共同進益為宗旨

三會所 以在會各女學校校地輪流為會所

四會期 每月通會議一次以第二星期水曜日下午七點鐘為到會時間 議事細則附錄

於後

五職員 本會應選舉各員(一)幹事部掌開會報告執行議決事件(二)調查部專司

調查事務(三)書記部掌文牘公牘(四)會計部司銀錢出納

六事務 本會應有事務規定如左

甲 對於外界之預防 凡遇有外界障害事實應開臨時會議共謀應付方

法若在不及開會時則會中各職員均有維持保護之責務臨時得以相當之方法手段處理之

乙

對於內部之監督 凡各校任事教職各員若遇有損及女學名譽及妨害女學事實在會各校均有互相監督互相維持之責如事實關係重要者本會得開臨時會議處分之

丙

對於學規之整飭 凡各校學生有轉學者須得該校轉學證書後他校始可收入如無證書者得援照 學部定章辦理凡我同志均應一律遵守實行以免學生見異思遷之弊

丁

對於標識之規定

子

襟章 凡在會各校學生無論在校在途均應佩教育會呈請提學司頒布各級學生一定之襟章以便隨時照拂

丑

會員符號

由本會呈請教育總會照會

巡學

憲頒發符號式樣由教

育總會轉給在會各員以作隨時照拂學生之證據遇有障害事實得持此據知會警界扶助

七罰則 本會一切規定務期實行有不能實行或互相推卸者照議事細則處分之

八改進 本會成立後章程有未臻完善者得隨時改良

本司移法政學堂奉 學部電覆法政學生請提前畢業與考法官一案文

為移知事案據法政別科乙班全體學生稟懇電請 部示提前畢業應法官考試

或准屆時送考等情據此本署司當以法官明秋考試法政別科明冬畢業近法官養成所年半畢業可與考該法政學堂以兩年半不能與考擬將鐘點加增提前畢業俾與法官考試或准該未畢業生一體與考可否通融各等語電請 部示在案

茲奉 學部電覆貴陽提學使魚電悉法官養成所資格限中學畢業實官刑幕生

員以上出身四項科中有合四項資格者准提前畢業與考法官惟不得照別科

給獎學部文印等因奉此除移 提法司知照外相應備文移知爲此合移 貴監
督請煩查照辦理並轉飭該生等遵照須至移者

本司札催各屬填送教職各員一覽表文

爲札催事案查各學堂職員教員一覽表原爲職教各員辦學年滿核獎地步所關
至爲重要上年迭奉 學部札飭當經刷印表式凡例通飭各屬將所屬各學堂職
教一覽表彙齊裝訂成冊依限送司上學期不得逾本年八月下學期不得逾次年
二月現已過期查該 學期表冊尙未申送本當將送到各屬表冊依期報部不以
一二屬未到致稽通案姑念該屬學堂職教各員獎勵攸關不忍棄置弗顧合行飛
札專催爲此札仰該 遵照立將所屬各學堂宣統二年上下學期職教一覽表催
齊彙訂成冊各備造三份限札到三日內辦妥專足兼程申司以憑彙辦切毋逾違
致貽後悔特札

本司批牘選登

職員吳繩武等稟創辦公立法政別科學堂擬具簡章請查核立案由

批 稟及簡章均悉查 學部奏改法政學堂章程摺內聲明現在中學堂畢業生人數過少各處法政學堂之正科實有難以遽行成立者自應量予變通准其先設別科以應急需俟將來中學堂畢業生漸多再將別科章程廢止等語現時貴州中學畢業者尙少所擬設立法政別科自無不可惟名稱冠首法治二字與法政之法律字重複尙須另擬稱爲某某法政學堂並須查照改訂章程十二及三十一各條將學生履歷及學堂詳細規則呈由本司詳請各部查核再予立案可也繳簡章暫存畢節縣勸學總董楊桂林稟報城鄉學堂情形及統一經費辦法由

批 稟摺覽悉現在地方行政不一而足統一經費固屬第一要義然非面面周到必不能推行盡利仰畢節縣按照稟摺所陳各節逐一查明是否可行毋徇母隱據實稟覆核飭遵辦切切稟摺發辦畢仍繳

銅仁縣申請分別札派兩等小學教員由

批 查教員於學生大有關係必須由學堂畢業學有根柢者方能勝任茲該縣來文內有以監生萬人熙及師範修業生楊文華充當副教員未便照准應仍飭退另聘優級師範畢業生申請札委其餘各員准其先行給札以專責成至吳才俊在堂教授不准沿川東文句法以免貽誤學生仰即轉飭知照並將各札文填明薪數分給各該員承領切切委札附發

都勻

府縣

會送各高等小學堂學期試卷分數表册由

批 詳閱官立公立高等小學各級試卷科學則算學程度甚淺國文則題解多有未清餘合格者居多數而亦瑕不掩瑜惟學生成績尙存真相教習刪改不厭求詳將來進步未可量也原卷發還表册存

綏陽縣申送各高等小學宣統二年分學期考試分數表及試卷由

批 詳閱各班試卷官立甲班與公立甲班程度尙屬合格其餘皆覺幼稚鄭場兩

等小學甲班試卷亦應呈閱何以只報分數表冊一本仰即從速補呈藉此得以覘
教員之勤惰學生學業之進退切切原卷發還表存

安平縣稟縣城高等小學考列下等之黃文彬等擬自行設所補習一案請示

飭遵由

批 據稟高等小學畢業考試下等之黃文彬等擬請另行設所照章補習查定章
考列下等者留堂補習不但使學生愧奮自勵並且使職員力圖後效如果原校另
招新班不能容時可借觀音堂爲原學堂分校如從前職員不善管理及教員不善
教授應由該縣查酌辦理飭令改良所請由學生另延教員自行設所之處恐將來
不免敷衍瞻徇等弊端難照准繳

銅仁縣申送宣統二年下學期教員一覽分數各表冊由

批 查分數表冊司中頒有一定格式原期整齊劃一詎容任意填報該縣申送男
女初等分數冊將上下兩學期分數平均爲學年分數核與定章不合仰即轉飭各

該學堂查照期考分數格式另行分別填報毋得草率此批摘由發原冊發還高等分數表存

綏陽縣稟縣屬就種煙罰款開辦農業初等小學一堂請立案由

批 稟及表冊均悉該縣倡辦農業初等小學堂於校地堂內規模俱已照章籌辦一切足見該縣熱心任事深填嘉尚惟經費就種煙罰款開支全年當在二百金以三年豫算必需六百金方能持久况當此煙苗禁絕將來決無此項罰款恐現籌之款不敷三年之用學堂勢必中止應如何以善其後續爲經營俾收效果查稟內所稱學生僅招足二十人爲一班核計表冊名數已足三十人概係二月入堂與稟詞不無歧異仰即迅速聲叙明白再予立案並將附設蠶桑講習所章程一併另文申報聽候核飭照辦仍候 撫部院批示繳表冊存

水城廳申送教育統計表並補送學堂分數表及試卷由

批 詳閱各科試卷程度尙屬合格惟學生十六人分爲甲乙兩班甲班七人乙班

九人均未免過少且與定章不合究竟是否合班教授抑係分班既同一學年理宜合爲一班認真教授以廣教育而節糜費仰即轉飭該學堂遵照辦理此批摘由發原卷發還表冊分別存送

遵義府申送師範分數各表並試卷數目清摺由

批 詳閱師範中學各班試卷程度大致相符較前師範丙班成績稍優師範班轉瞬又屆畢業應飭各員認真教管學生切實用功以免再蹈前轍中學班英文尙須深造將來升學直接聽講不至費力是爲至要此批摘由發表存原卷發還

鎮遠府申送一覽分數各表並試卷由

批 詳閱各班試卷甲班程度尙屬合格乙班稍遜丙班幼稚甲班將屆畢業當飭各員認真教授無任參差乙丙兩班國文尤須注重仰即轉飭該學堂遵照摘由批發原卷發還表冊分別存送

麻哈州申宣統二年下學期城內及下司高初小學分數表暨高等各科試卷

乞核示由

批 詳閱兩堂試卷大致尙是惟瑕瑜互見未免參差應隨時認真管教庶將來畢業皆可成材亦不負數年經營也此批原卷發還表存

黃平州申送兩等小學堂宣統二年下學期期考試卷及分數表由

批 詳閱各級試卷一級與二級程度稍遜三級大致尙是仰即認真教授無任程度參差國文一門尤當注重仰即轉飭該學堂遵照辦理此批摘由發原卷發還表存

黃平州申送舊州兩等小學宣統二年下學期各科試卷及分數各冊由

批 詳閱甲乙兩班試卷大致不差轉瞬即屆畢業當飭各員認真管教以期實效而廣造就是爲至要此批摘由發原卷發還表存

醫學專修科職員張受石等稟學堂成立公請立案候示遵由

批 稟及表均悉現在醫學一門生命攸關爲社會上最重要之科學非素有經驗

而又實地驗習不足以資深造而保健康查東西各國醫科大學之設歷有年所吾國分科大學亦設有醫學一科近來講求醫學者猶復竭慮殫精不遺餘力所謂世界愈文明醫學愈進步也茲據該職員等將中醫學堂名目擬改爲醫學專修科仿照理化體操等專修科章程年半畢業自應准其開辦惟年限稍短務須於各種課程認真教授精益求精方可立收成效仰即繕就詳細章程及職員學生履歷名冊呈候核奪再行立案可也功課表及教員表存此批

八案廳申送二年分下學期一覽表試卷教授細目表由

批 詳閱各科試卷程度太淺別字太多人數太少均屬不合照章高等小學一班至少須三十人以上查該廳所辦高等小學已歷三學期而人數僅有八人來日方長程度如此人數如此將來畢業何堪設想仰即轉飭該堂從速添招新班卽以此人退入第一學期教授庶將來程度得以劃一教育得以普及不至虛糜經費也此批原卷發還表存

修文縣申送高等小學堂畢業試卷由

批 申送試卷業經校閱核給分數填入原冊發還仰卽查照填榜曉諭仍照該冊另造三份迅速送司以憑詳咨並備照費申領畢業憑照若干張以便核發切切此批試卷存

水城廳申送宣統二年下學期官立高等小學試卷表冊乞示由

批 詳閱各級試卷甲班程度尙好乙班稍遜丙班則甚差且人數僅有六人未免過少與定章不符卽轉飭該堂從速添招新班卽以此六人退入第一學期教授庶經費不至虛糜而教育得以推廣也此批繳原卷發還表存

自奮女子師範學堂申送第一學期試卷分數表冊由

批 詳閱各科試卷程度穩合經學國文較爲優長於女學尤覺難得圖畫多優秀氣進步如斯將來畢業直可爲女學先導此批原卷發還表存

大塘分州師範畢業生葉榮松稟指款誤學明掣暗煽懇核飭究由

批 據稟周順興指款誤學明掣暗煽等情查該處官立第三初等小學堂前據李州判稟准在案地方官紳宜何如維持推廣以求進步乃團首周順興竟敢乘機阻撓希冀學生解散免追所欠公款以遂其把持私謀而地方官亦不追究殊屬不成事體仰新任大塘州判迅將周順興傳案訊明追繳歷年欠款交經手建築紳耆即行開工以期早日垂成一面問明周姓如有煽感情事立即斥退毋任干預團務切毋瞻徇致干未便稟發仍繳

黎平府附貢生王述信等續稟邀懇維持以免學校弛廢由

批 稟悉查屠捐一項原爲抽款興學而設據稱王寨汛官經抽屠捐除繳勸學振文兩等學堂七十千外餘歸該汛解犯川資如果不虛殊與抽捐原意不合卽屬不實而任汛官把持抽捐終爲招訟之尤仰黎平府選派正紳接抽該處屠捐以免興訟是爲至要切切稟發仍繳

廣順州申送各學堂一覽表及分數表冊由

批 詳閱分數表冊係將上下兩學期分數平均為一學年分數且無曠課扣分一條與新式不合着將原冊發還仰即按照新式分上下學期並註明高初等班字樣另行補造呈報毋延切切此批摘由發一覽表存送

貴定縣申送奉到考試畢業分數冊查前後多少分數不一如何榜示乞示由批 申悉查所發分數表冊係就原申學期表冊照抄但將畢業分數填入未將冊頁互換前札已經叙明按照表尾平均分數分別等第榜示曉諭並飭另造分數冊三份則分數多者應列於前少者應列在後文意昭然易見仰即細譯前札辦理并將另造之冊查照此次畢業名次前後訂定毋庸拘泥原冊冊頁次序也此批摘由發表冊發還

省視學 餘慶縣 會稟高等小學堂畢業考試事竣並申送試卷分數表冊由

批 稟悉所呈試卷業經校閱核給分數填入原冊發還仰即查照平均公數分別

等第榜示曉諭仍將該冊另造三份其名次前後務須更正迅速送司以憑詳咨所

需畢業憑照若干張具文備價申領以憑核發繳試卷存冊發另造

松桃廳申送官立高等小學堂第六學期各科試卷並分數表冊由

批 詳閱各科試卷惟國文修身兩門合格者尙得半數其餘學科答案錯誤既多別字又復不少若不認真整頓轉瞬即屆畢業恐將來程度不合該堂管教各員必不能辭其咎也切切此批摘由發試卷發還表存

興義府申送各學堂一覽表並高等小學分數表由

批 詳閱分數表冊係將上下兩學期分數平均爲一學年分數且無曠課扣分一條與新表不合着將原冊發還仰即轉飭該堂按照新式分上下學期另造呈報世稍違延摘由批發一覽表存送

規制

學部修訂存古學堂章程

第一章 立學總義

第一條 存古學堂以養成初級師範學堂中學堂及與此同等學堂之經學國文中國歷史教員爲宗旨並以預備升入經科文科大學之選

第二條 存古學堂分設中等科高等科中等科五年畢業高等科三年畢業

第三條 存古學堂學科分經學史學詞章學三門經學門爲預備升攷經科大學者治之史學門爲預備升攷文科大學之中國史學門者治之詞章學門爲預備升攷文科大學之中國文學門者治之

第四條 各省已設及將來添設之存古學堂均應按照此次所訂章程辦理

第五條 存古學堂每省以設一所爲限如財力實有不足者暫准緩設其在交通便利之處亦可聯合鄰近省分合設一所

第二章 學額及學生

第六條 各省存古學堂攷取學生無論本籍外籍一律收錄

第七條 存古學堂每年級學生名額按照各地方情形酌定惟每級至少須滿六十名其學生過少不能成班之處應准緩設

第八條 存古學堂中等科學生以高等小學堂四年畢業生攷取升入如人數不

敷暫准招收讀完五經文筆通適之高才生甄錄入學此項學生入學後於前二年省去補讀易書春秋左

傳而以此鐘點補習高等小學應授之格致算學地理歷史等科其舊日之貢生生員中文優長者攷試合格准

其插入中等科第三年級舉人之中文優長兼習暑通學者准其攷入高第科

第三章 課程

第九條 存古學堂學科程度及每星期授課時刻列表如左

經學門中等科

學
科
時
間
第一
年
每
星
期
第二
年
每
星
期
第三
年
每
星
期
第四
年
每
星
期
第五
年
每
星
期

經學附理學小學

二十

二十

十八

十八

十八

以上主課

史學

四

四

二

一

一

詞章學

四

二

一

一

一

以上補助課

算學

三

三

三

三

三

輿地學

二

二

二

一

一

外國史

〇

〇

〇

二

二

法制

一

一

三

〇

〇

理財

〇

〇

二

一

一

博物

〇

〇

〇

二

二

理化

〇

〇

〇

三

三

農業大要

〇

〇

二

〇

〇

工業大要

〇

〇

〇

二

〇

商業大要

〇

〇

〇

〇

二

體操

二

二

二

二

二

以上通習課

經學門高等科

學科時間

第一年每星期鐘點

第二年每星期鐘點

第三年每星期鐘點

經學附理學小學

十八

十八

十八

以上主課

史學

三

三

三

詞章學

五

六

六

以上補助課

諸子學	二	二	二	二	二
算學	二	二	二	二	二
輿地學	二	二	二	二	二
政治學	二	二	一	二	一
體操	二	二	二	二	二

以上通習課

史學門中等科

共計三十六

學科	時間	第一 年每星期 鐘點	第二 年每星期 鐘點	第三 年每星期 鐘點	第四 年每星期 鐘點	第五 年每星期 鐘點
----	----	------------------	------------------	------------------	------------------	------------------

史學	二十	二十	十八	十八	十八
----	----	----	----	----	----

以上主課

經學	四	四	二	一	一
詞章學	四	四	二	一	一

以上補助課

體操	商業大要	工業大要	農業大要	理化	博物	理財	法制	外國史	輿地學	算學
二	○	○	○	○	○	○	一	○	二	三
二	○	○	○	○	○	○	一	○	二	三
二	○	○	二	○	○	二	三	○	二	三
二	○	二	○	三	二	一	○	二	一	三
二	二	○	○	三	二	一	○	二	一	三

以上通習課

共計三十六

史學門高等科

學科時間

第一年每星期鐘點

第二年每星期鐘點

第三年每星期鐘點

史學

十八

十八

十八

以上主課

經學

三

三

三

詞章學

五

六

六

以上補助課

諸子學

二

二

二

算學

二

二

二

輿地學

二

二

二

政治學

二

一

一

體

操

二

二

二

以上通習課

共計三十六

詞章學門中等科

學科 時間

鐘點 第一年每星期

鐘點 第二年每星期

鐘點 第三年每星期

鐘點 第四年每星期

鐘點 第五年每星期

詞章學 附書法學

二十

二十

十八

十八

十八

以上主課

經

學

四

四

二

一

一

史

學

四

四

二

一

一

以上補助課

算

學

三

三

三

三

三

輿

地

學

二

二

一

一

外

國

史

○

○

二

二

體操	商業大要	工業大要	農業大要	理化	博物	理財	法製
二	〇	〇	〇	〇	〇	〇	一
二	〇	〇	〇	〇	〇	〇	一
二	〇	〇	二	〇	〇	二	三
二	〇	二	〇	三	二	一	〇
二	二	〇	〇	三	二	一	〇

以上通習課

詞章學門高等科

學科時間

第一年每星期鐘點

第二年每星期鐘點

第三年每星期鐘點

詞章學 附書法學

十八

十八

十八

共計三十六

以上主課

經學	史學
----	----

三	五
---	---

三	六
---	---

三	六
---	---

以上補助課

諸子學	算學	輿地學	政治學	體操
-----	----	-----	-----	----

二	二	二	二	二
---	---	---	---	---

二	二	二	一	二
---	---	---	---	---

二	二	二	一	二
---	---	---	---	---

以上通習課

共計三十六

第十條 存古學堂各科課程分年教授法如左

一經學 中等科前二年講讀周易尚書春秋左傳三經以符中學堂學生必須

讀完五經之通例而預培綜貫羣經之根柢後二年講明羣經要義大畧先看

御纂八經一徧傳說義疏均須依篇點閱

此三年課程意在使學者統觀羣經之大旨自揣性之所

近為入高等科時選擇專經之地步

次看有關羣經總會諸書

如經典釋文叙錄傳經表通經表歷代正史藝文志經

籍志之經部四庫全書提要經部余蕭客古經解鈎沈王引之經傳釋詞

歷代正史儒林傳經義述聞

陳澧東塾讀書記經

類自九經古義以下畧舉數部此外類推

高等科第一二年治專經之學總以一人能治一大經兼治一中小經為善

大率

每星期中以一日研究古注疏點閱所習本經注疏每星期四小時點閱所習

本經 國朝人著述

如孫星衍周易集解胡渭易圖明辨尚書疏證孫星衍尚書今古文注疏閻若璩古文

指陳免毛詩傳疏馬瑞辰毛詩傳箋通釋顧炎武左傳杜承瑛毛詩後箋顧棟高春秋大事表梁履繩左通補釋顧炎武左傳杜承瑛毛詩後箋顧棟高

補注馬宗樵春秋左傳補注沈欽韓左傳補注孔廣森公羊通義鍾文蒸穀梁補注王鳴盛周禮軍賦說沈彤周官祿田考江永周禮疑義

擊要程瑤田溝血疆理小記正義考工劍物小記段玉裁周禮漢讀考詒讓周禮正義胡培塿禮儀私箋朱念孫廣雅疏證之類楠論語正義

循孟子正義郝懿行爾雅義疏王念孫廣雅疏證之類楠論語正義

經者皆須點閱此舉其最精要者並非以每星期十四小時此外仍宜擇學海此數種為限如能博綜可以類推

堂刻 皇清經解南菁書院刻 皇清經解續編中之精粹者與諸

名家經說中有與本經相涉者以及古經解彙函小學彙函皆可參攷第三年

須參攷所習本經外之他經及子部史部可以證明本經要義者並攷求本經

自古及今之實效見於史傳羣書者 高等科專經者其經文皆須背誦全文

其漢以前授受師承 一南北朝至今解經派別 二本經要義 三歷代經師諸家

於經文經義緊要處之異同 四皆須能應對純熟解說詳明無誤以此為考核

等第之實據畢業時必令呈出所習專經之心得著述札記 義理之學當與

訓詁並重應授宋儒理學源流及諸家學案之大略又說文爾雅學藝書漢文

志謂之小學為求通經學之鈐轄應附入經學門內又音韻之學即附小學門

內金石學可為考證經史之資然要以考釋文字為先亦附小學門內每一星

月應於經學童占內刊出二下持口學斗前二年受理學後三年受小學高等

科前一年授理學後二年授小學中等科理學授近思錄高等科授四朝學案

中等科小學授爾雅郝氏義疏說文序目文字蒙求高等科小學授段注說文

及六書音韻表並授三代吉金文字及碑版中之有關經字經義者 經學科

主課以外以史學詞章為補助課中等科史學授 御批通鑑輯覽三通

考輯要高等科授史記漢書後漢書三國志中等科詞章授古又辭類纂高等

科授文選兼參觀選學各書

二史學 中等科前三年博覽前史要事大略點閱 御批通鑑輯覽及九

鍾紀事本末 九種若不能備點亦須點過五種 參閱歷代正史中之志及後世補志後二年點

閱考核全史之書有關致用者 如廿二史劄記 十七史商榷 日知錄 陔餘叢

考考史各條 史通之類 略舉數部餘可類推 廿二史考異 極博極精但詳考據而略致用卷帙又繁止可參考不必點閱

高等科三年中治專門史學二十四史之中聽學者認習一類史記漢書後漢

書三國志為一類晉書至隋書為一類唐書舊唐書五代史宋史為一類遼金

元三史為一類明史及 國朝事實合為一類治史者每人須認習一類不

得僅治一朝之史四通鑑為一類 金履祥通鑑前編 畢沅續通鑑 司馬光資治通 三通考

為一類 文獻通考 皇朝文獻通考 第三年須兼攷所習專門本史外之他史可以

證明本史者並考羣經諸子之可以證明本史者並攷所習本史內當時得失

治亂之大端與今日相類之處或與今日相反之處可為今日法戒者 凡專

治何史者其統系疆域重鎮職官財政典禮教派學制兵制刑律鄰國邊界均

須能畫出圖表此外凡一朝之治亂大事變古大事創立法制創造有益民用

軍用之物取民之制度支之數戶口息耗物產盛衰工役大舉關繫農工商各

項人民生計大事外交宗旨大事均須能立表詳說若治四通鑑三通攷者列

朝事實均須攷究貫串 高等科畢業時應令呈出所習本史之心得著述札

記 史學科主課以外以經學詞章為補助課中等科由高等小學畢業升入

者經學授書易春秋左傳由貢生生員插班者擇閱羣經總義諸書 書目同前 經學門

高等科均授春秋公羊穀梁傳國語國策中等科詞章授古文辭類纂高等科

授文選兼參觀選學各書

三詞章學 中等科五年中先縱覽歷朝總集之詳博而大雅者使知歷代文章

之流別次點閱講讀古人名總集

如文選 御選唐宋文醇詩醇 楚詞集 文心雕龍 漢魏六朝百三家集

古文辭類纂 續古文辭類纂 樂府詩集

湖海文傳 姚氏今體詩鈔 史百家簡編 駢體文鈔

唐文粹

詞選之類 宋文鑑 其過繁者若文苑英華

續古文苑 明文衡 全唐文錄

全唐詩賦彙

詞綜 宋詩義 全金詩元詩選 明詩綜 歷代

兼練習作詩文每星期一二次

期一二次

高等科講讀研究詞章諸名家專集或散體古文或駢體文或古詩古賦

詩賦 共為

一門 視學者性之所近習之第三年兼須博攷經部史部子部之可以發明詞章

要旨者並攷古今詞章之有益世用者至考核詞章所學深淺之法除論辨源

流疏解事實闡發利病證明經史等事必應考核外尤須以能自作為實際與

經史兩門不同中等高等兩科均須隨時練習製作 高等科畢業時應令呈

出所習詞章之心得著述札記 書法學兼古文 即大篆籀文小篆八分隸書草

書六朝正書唐以後正書行書各種書法而言此不惟講舊學者解經攷史所

必需且亦為居官行政人民生業所不可廢若字體太涉惡劣讀書不能識篆

隸下筆不能作行草於學古應世均有窒礙故必須習之應附入詞章學門內

每一星期講授研究二小時 詞章科主課以外以經學史學為補助課中等

科由高等小學畢業升入者經學授易書春秋左傳由貢生生員插班者擇閱

羣經總義諸書 書目同前 高等科均授說文解字及金石文字之有關小學書

法者中等科史學授 御批通鑑輯覽三通考輯要高等科授史記漢書

後漢書三國志

四諸子學 周秦諸子中多引古書記古事其古言古義多可考證經典且詞旨

可資益詞章漢以後諸子則多膚淺不必備覽

五算學 中等科宜習西算授數學代數幾何三角高等科研究 國朝各家

算術遞溯元明歷漢唐以至古代歷算以為研究經史之資

六輿地學 中等科前二年講習中國近時地理 國朝疆域海陸邊各省重

要城鎮阨塞險要水陸道路通商口岸第三第四第五三年宜講習地球全體

及外國名山大川重要都會隘口險要人種風俗宗教政治氣候物產等事以

擴充學者之耳目而啓發其愛國愛種愛教之心思高等科三年中宜講習中

國前代歷史地理及各國政治地理各國歷史地理使知疆域之沿革險要之

變遷強弱之形勢政策之得失以激勵學者憤發之心並宜博覽輿地叢書旁

及中外各家游記之類自中等科第一年起即須兼習描摹地圖先畧後詳

七外國史 先講近百年來之大事次漸及於近古上古使知時局變遷之所趨

八法制 中等科講授法學通論及憲法民法刑法之大意以本國已頒行之法

為主使知立憲國民應守之秩序

九理財 中等科講授經濟學原論及統計汎論簿記學原理等使具財政上之

普通知識

十政治學 高等科講授政治學財政學原論及行政法之大要使知變法自強之根本爲他日出而應世之用

十一博物
理化

中等科於第四五兩年講授物理化學及動植礦物生理衛生之要旨使具有普通知識以便畢業後任小學教員時得以講授格致學科

十三農業大要 講授農業要旨使略知治生之道於寒士謀生及作吏治民皆有裨益

十四工業大要
十五商業大要

講授工商實業要旨使知凡係國民人人宜各盡自食其力之才以爲共保利權之計惟工業之製造商業之販運今日多與外國有交涉者較農業尤爲精細廣博但能知其大要亦不致流於腐陋

十六體操 凡柔輦體操器械體操兵式體操皆宜肄習使文學彬雅之士具有

自強之志氣衛國之精神不致流於萎靡

中等科畢業者應升高等科若願充高等小學教員不升入高等科者即於第三年加授論理學第四第五兩年加授教育學每星期各二小時省農工商業大要鐘點授之史學及詞章學高等科學生畢業後願考升文科大學者則應預習外國文可於高等科課表中第二第三兩年每星期減補助課六小時通習課諸子學一小時算學一小時共八小時加授外國文但此領畢業生祇能入文科大學之中國史學中國文學二科不能升入他科

第四章 入學退學

第十一條 存古學堂每屆招考合格學生於入學時應將姓名籍貫三代及由某學堂畢業履歷彙造清冊呈送提學使司詳報學部備案

第十二條 學生中途遇有疾病或其他不得已事故必須退學者須呈候監督查明屬實方能照准

第十三條 學生遇有左列事項由監督核定令其退學

一 不遵守學堂章程禁令者

二 身膺痼疾及沾染嗜好者

三 學生考試兩次不及格者

四 兩次不繳學膳各費者

第五章 考試及畢業

第十四條 考試分學期考試學年考試畢業考試三項其考試時期均按照學部

奏定考試章程辦理

第十五條 評定考試分數及高等科畢業後送部覆試均按照學部奏定章程辦

理

第十六條 高等科畢業考試及格者除授與畢業文憑外應按照學部奏定高等

學堂章程辦理並得充中學堂及與中學同等學堂之經學中國史國文教員暨

考升經科大學及文科大學之中國史學門中國文學門中等科畢業考試及格
不願升習高等科者得充高等小學堂教員

第六章 學膳費及書籍費

第十七條 在學學生應收學費膳費書籍等費均按照學部奏定徵收學費章程
辦理

第十八條 存古學堂毋庸備有寄宿舍如有願就學堂午膳者每人應繳膳費其
數目由各監督就地方情形酌定若本學堂之從前備有寄宿齋舍一時遽難停
止者准其酌量辦理惟寄宿舍須與學堂分立而距離不得過遠

第十九條 存古學堂應設管理員教員如左

監督一員

教務長一員

監督或教員兼任

教員若干員

貴州教育官報
學務公所印行
管課員若干員

庶務長一員

庶務員若干員

第二十條 存古學堂監督由提學使司遴請督撫委派並咨報學部備案其他管理員均由監督遴請提學使司委派教員由監督延聘確有專門著述聞望素著者充任

附則

第二十一條 本章程所未備載之處悉照學部奏定章程及其他法令辦理

第二十二條 存古學堂各項詳細規則應由本學堂監督擬訂送由提學使司轉呈學部查核

圖表

貴州省城官立高等小學堂學生畢業姓名分數表

最優等學生二名

姓名

總平均分數

張時欽

八十三分一釐

解 焮

八十一分六釐

優等學生九名

拓澤忠

七十八分四釐

邵正祥

七十七分三釐

靳榮祿

七十六分四釐

蔡樹已

七十五分六釐

孫定紀

七十三分

許邦基

七十二分六釐

張元勳

七十二分二釐

徐名傳

七十二分二釐

姚壽齡

七十分五釐

中等學生十八名

趙世勳

六十九分六釐

劉成忠

六十九分三釐

黃丹書

六十九分

孟廣照

六十八分八釐

姚慶齡

六十八分一釐

劉能樑

六十八分

高文辛

六十八分

蕭應昌

六十七分一釐

李輔臣

六十六分一釐

高濂

六十五分六釐

劉超倫

六十五分四釐

羅廷燎

六十五分三釐

聶福林

六十四分四釐

蔡天祥

六十三分七釐

許蘭卿

六十三分

張毓嵩

六十二分八釐

靳榮爵

六十一分八釐

劉治邦

六十分九釐

下等學生四名

貴州教育官報

圖表

二

辛亥年第五期

王家楨 五十九分一釐

魏時琛 五十八分九釐

錢福兆 五十八分五釐

鍾永康 五十七分六釐

公立達德高等小學堂學生畢業姓名分數表

優等學生十名

姓名 總平均分數

徐光鎔 七十六分九釐

李敬儒 七十六分一釐

徐璋 七十四分八釐

周垂訓 七十四分五釐

談兆鑿 七十二分六釐

彭承祖

七十二分四釐

熊傑吉

七十二分四釐

尙其江

七十二分三釐

裴允濬

七十分九釐

任燦燿

七十分五釐

中等學生十二名

程德彰

六十九分七釐

彭先覺

六十九分二釐

胡燁

六十八分三釐

周燧昌

六十六分八釐

宋大經

六十六分七釐

陳學堯

六十六分六釐

夏燦春

六十六分五釐

王元和

六十六分二釐

賈鶴書

六十六分

譚茂萱

六十三分

汪時坤

六十一分五釐

孫斌盛

六十分九釐

公立時敏高等小學堂學生畢業姓名分數表

優等學生八名

姓名

總平均分數

陳作孝

七十六分六釐

史維煥

七十五分

王克立

七十四分六釐

梁光楫

七十三分八釐

蔣國棟

七十分九釐

廖濟楷

七十分一釐

宋中瀆

七十分

于世雲

七十分

中等學生十四名

孫志彬

六十九分二釐

楊耀琦

六十八分八釐

王天漢

六十八分四釐

陳廷綱

六十七分七釐

張盛蘭

六十七分六釐

周保乾

六十六分七釐

敖承澤

六十六分五釐

胡光前

六十六分一釐

鄒瑞祥

六十五分六釐

謝光熙

六十五分六釐

趙致輪

六十四分六釐

周佩荃

六十三分五釐

傅坤

六十二分三釐

陳明德

六十分八釐

學術

最合宜之隨意運動法

一 運動之生理效果

運動之影響於生理而可收效果者其事甚多無煩喋喋今特就人所莫知者畧述梗概如下

運動能發達筋骨乃直接之效果而能增大其呼吸量使肺部充滿則爲間接之效果今試觀學生之能運動者每一學期畢其身體必增高若干此則運動顯著之效果可一望而知者耳蓋運動筋肉能使滋養之血液善於循環筋肉之運動愈劇烈斯血液之循環愈速由是新陳代謝之機能亦緣之以盛故運動筋肉可助身體全部之強壯者首在增進食慾即身體素健者亦必勞動始能消化食物猶之婦人產後所食量倍於平素卒能消化而無大害殆亦與運動增進食慾同理運動盛斯全身之活動亦盛消化物遂因之而多不得不補給食物以資營養此食量所以必加

大也學生平日肄業於學校爲合式之運動即有相應之食量隨之以起一旦休業閒居身體受其影響斯飯量減少亦與平日無殊是則顯見之一例從可知運動與身體之關係爲不少矣

二 運動之種類

運動爲有益於身體而不可缺者無論若何運動無不可得效果今更就運動之種類而申言之中國之擊劍槍術弓法騎法等爲最佳之運動惟此等運動皆爲武士兵卒所練習又游泳術亦爲運動之一相傳之法頗古其餘則有打球賽走踢球等遊戲運動又狩獵亦運動之自然者約分個人與團體二種而女子之運動亦有舞躍蹴球等事不亞於西洋女子運動大抵皆務姿勢端正舉止靈活而已此外則有賽船之運動其效亦頗大吾輩所當亟亟提倡者次則散步郊野亦爲呼吸新空氣兼有運動之效力者至若西洋之體操以及足球棍球網球諸遊戲運動與夫各種劇烈競走則種類頗多想運動家必能詳知之茲姑不具論

三 體操兼有競爭意趣

學校中專以體操爲體育之主要科目方今通行之體操有德國式瑞典式兩種皆有發育身體之效益故特定爲學生之學課其法甚善蓋合羣之動作較之獨爲運動更有興味故也且體操之游戲分有勝負身入其間者競爭心因之劇烈語曰一人善射百夫決拾此言爭勝之心人人同具旣引動其機遂不覺見獵心喜身入其中也體操之爲用有如是學生在學校中習行之出校後往往能自爲徵集同志履其舊迹而復演之則運動法自更見推廣矣要之處今之世個人固宜競爭然不若團體競爭之更有興趣體操之當注重競爭意趣吾國尙未風行然西洋各國如茲所云云者爲例實不知凡幾即器械體操亦必由各個人定其優劣而結合團體分甲乙隊以互相比較者其意趣更爲深厚不獨在學校中行之也即郊野鄉僻之地亦往往集同志爲團體體操其競爭時則聚黃髮垂髻婦人女子於一處合同爲之日本大學之良教師採用此法使學生自能領會各種體操之趣味以期於校外能

自行合羣體操以爲競爭也

四 最適於體育之隨意運動法

吾國舊有拳術單刀舞劍諸法日本襲之則爲擊劍柔術等事自戰勝強俄後其術名動歐西而日本全國亦更風靡一時學校中至欲以代西式體操議論得失紛如聚訟後經學校衛生會決議其不適宜於是卒從其大學良師之主張以行各種競爭體操並取譬於釣與奕之理以爲鋸石磯理釣絲沈漁網蹲而伺之徐而察之上下其流而試之擇其多得之處而頻釣焉非不有合乎運動之自然也然比其返也筋骨疲憊卒不合乎運動之度是則始之重在運動不重在釣者繼則渾忘而失其初旨矣江湖隱逸藉以遺棄世事篤志乎釣遊以自鳴其高豈有裨哉至若奕則爲精神之運動然日中對局夢境無非黑白之爭方其凝神以思雖迅雷無以爲驚懼又是與釣同病重在勝負失所以奕之本旨矣故爲劇烈逾分之競爭一失運動之旨而專屬意於勝負之數則未免背道而馳決非可以勸勉身體孱弱之人也

惟習水性爲游泳之戲與清渡相狎則實一運動之良者暑假中習爲之頗有益此事大足提倡惟宜留意爲之不可忘其水患之處吾國各學校間有行之者但尙不能通行且往往限於地利之不便距湖河遠者即不免束縛而未由學習餘則如狩獵之事古人貴族多行之近則上流士人多以爲不屑道而歐西學子巨商往往費巨金購獵具不遠數十里數百里以從事焉此實隨意運動之極有趣味者似大可仿行之也至於現在通行之拍球踢球等遊戲以及小兒所喜爲之蹴鞠等遊戲若男女共同爲之則更有無上之興趣當春光明媚之時兒童爭放紙鳶以爲戲弄枝虎以爲笑樂種種玩事實皆爲和緩之運動乃強健筋骸之最優者惟姿勢不正未合乎確當之運動耳若能使下腹之氣力聚於腰間又致力於全身之筋肉令兩手用力均等爲深長之呼吸以開張胸廓全體運動則與武夫之練技術以發達體育者同其效力即隨意運動之最善者矣

五 歐派之隨意運動

西洋派之運動中以棍球爲最活潑惟運動時不免有危險之處足球流行全球各國爲運動中最上乘者打彈子亦屬運動之事但不甚合宜以其局促於一室之內地小不足迴旋羣居終日多吸紙捲煙則空氣污濁爲害身體往往有由此生結膜炎者倘能設彈子房於一己家中保存空氣之清潔不更變敵手即亦薄有清趣矣惟如此則必須繞行彈子房作速舉步此則短長互見者予頗思以網球組合爲遊戲中最善之運動因此遊戲既少危險所占地方亦不必過廣又不須費多金也四人則爲之稍疾八人可以更代則爲之稍緩人多則緩其運動可耳今西洋棍球與足球之運動不獨盛行於青年子弟間及各學校中即年齡垂老之人亦多有盛行之者不僅以其多興味也男女協力從事實爲此種遊戲之特長女子服短衣短裳盡力爲之較他種遊戲益爲激烈雖男女各踞一方然凡社會中男女協同行事必能互相親愛較之男子與男子女子與女子共事更爲有益遊戲雖小道亦何莫不然我國男女之防深入於人人心中牢固而不可拔然實強爲別嫌絕非自然之愛

敬徒斤斤焉於形體之判無精神意志之發揮有適形其陋而已所不可者男女交際宴會或有夫婦在座而徵歌縱飲醇酒婦人粉白黛綠色伎滿前爲無藝耳若男女共同遊戲爲高尚之運動則至宜之事譬之運動用右手亦宜用左手以爲調和乃大堪獎勵者也且此種運動決非僅用右手所能有濟必當全身運用之世之僅用右手以作事運動者多矣以此運動法較之豈非至善至於散步郊坰亦爲特別之運動人至無聊之時出外閒游勞其筋骨藉足之行動以運動全身且藉以呼吸郊外之新鮮空氣兼得縱覽風景留心物理自然心曠而神怡彼神經衰弱致成失眠之症者行此運動必能快然自足爽然若失

六 運動宜注意之事

茲更就運動當注意之事略述之凡患病之人有心臟病腎臟病者運動時尤宜注意患肺病者亦然若爲游泳之戲須經醫生診視得其允許而後可要之運動宜適度不可過亦不可不及太過尤爲不宜適可而止合乎中庸則最有益但如何爲過

度如何爲不過度實亦不易確定須視人之體質而異又視人之習慣與否而異大抵馴習於一事者必較能持久如學童每日肩繫書囊入學者忽改爲書包而以手挾之必覺非常費力婦人在家服灑掃烹飪浣濯等勞役事雖不一然並覺不甚疲乏若少出外行動則必覺極疲是則馴服於家內之運動未馴服於家外之運動故也從可知馴服之運動雖歷時稍長而不爲過若未馴服而劇烈爲之則必有種種影響久爲車夫者牽車向橋或土版上行見其隨意前進始終平氣馳行絕無難色若令吾儕行之則脈搏呼吸即易增大日本學校中之大運家一日忽發奇興與人力車夫由不忍池畔至時事新報社爲競行之戲乃運動家均失其首无達目的地者卒爲車夫此因學校中人馴服於行近路不馴服於行長路也故卒取敗不足怪也又如吾人每日行一定距離之路由初日以至第二第三等日必能以次加迷至四日以後始漸有一定之速率而初行數日必覺異常疲乏後則漸近自然此皆馴服不馴服之別耳蓋練習既久雖過度亦自無害要各隨其人之體質而異未可概

論也大凡競爭不宜過度其當注意者不在勝敗而在有以發達其體育此語切須
記憶不可誤認宗旨而此外競爭運動之影響於經驗及學理者尙復不少茲姑從
略誌之

論說

初等小學教育必須改良之緣起

通州

張謇論著

國何爲而須教育教育者期人民知有國而已能有國之終效使人人任納稅當兵之責多數無怨望而已周公之致王備於地官其法詳商君之圖霸最於農戰其法簡詳則行之也委曲而繁重必導以教育而後有可期之効簡則行之也迫隘而嚴峻不必出於教育而即程奮進之功效緩者艱於始功急者脆於終此大較也今政府亦知學語教育矣下九年豫備之詔定每二百戶一小學之令而於若何籌建校之費若何備教育之法所以爲聯絡而措施之者一切不顧一切不知以法令爲罔上之美觀以章程爲欺民之幻術庸詎知上即可罔而下不可欺也夫政府之語教育也始於辛丑蓋鑒於庚子拳匪之禍以爲信奉邪教幾釀覆滅宗社之禍獄無可歸而歸於民之愚愈愚須學乃不得不借途於教育耳方是時京師大學平地倏起下走即倡須首建師範之議謗而沮者不一其人不勝其憤實焉出私家之綿力行

於州繼是年許而江楚間乃有官立之師範私心竊計以爲十年之後庶可漸覩成效矣歲月以來忽已八年舊時國文稍有可觀之學生甄錄而日見其稀前此鄉里所設私立之小學些立而絕無繼起以通州全境面積八千方里戶十五萬八百九十二論按部章須初等小學七百五十八處爲小學計每年能容五十人無論每年開學正當程度相宜之學生不易招致即勉強如額而中途退學十常一二已不足數就使足數則一年五十必十五年而使能供小學教員之需試問此設計每年入學五十之學生其來何自則又非迅籌多設初等小學層遞爲高等小學之豫備不可然又苦無教員豈非牽連俱困之道况合地方財力及辦事人各方面計之設計云者十未必能得六七之實効然則以通州一州教育普及計即展十五年爲二十年課其結果尙在不可必之數推之一千四百餘廳州縣大畧可知夫目前之國勢如此其危期望人民明白納稅當兵之義如此其急而教育之不易進行如此其難不亟圖設法變通而惟是稚步徐行上欺下飾是何異掘井以濟渴捐讓而救焚庸

有幸乎如部章所訂之初等小學課程下走施之一州亦既六七年矣其畢業者亦三數次矣國文則僅識字解淺義耳不能閱報算術則僅數算耳不能應事體操則僅能活動手足耳不能增膽力修身則僅講故事理論耳不能嫻理法夫以不能閱報不能應事無膽力無理法之人而望其任納稅當兵而不怨豈非必無之事彼學部以其昏昏自未可責以使人昭昭之效而我國民亦相仍不悟長夜漫漫將何術以拯此危局耶八年以來粗有經驗但覺前途愈行愈窄證諸同志咸懷此憂故屬江生原本素所討論發抒意見著爲芻議海內君子有不欲以教育病我人民者竝聞高論幸更教之

[The main body of the page contains multiple vertical columns of text, which are extremely faint and illegible due to the quality of the scan. The text appears to be organized into several columns, typical of a traditional Chinese document layout.]

教授法批評之研究

第一章 教授法研究之必要

倡教授法研究之說者已數年矣世界教育制度日新月異一則曰開發主義再則曰五段教授法三則曰三段教授法一面提倡直觀主義而一面又鼓吹活動主義夫欲磨練能力傳達其實質知識自當鄭重種種說明皆與教育學術進步及社會趨向互相倚助而共趨於今日者也然則教授法所有研究其循歷階級是亦爲教育家所最當注意之事

歐洲教授法之研究始於蘇格拉底蘇氏善用問答法至柏拉圖亞里士多德又徐徐發達其說迄十六世紀文藝復興時代法國蘭培雷氏主張實物教授法英國培根氏注重歸納研究而奧國廓美紐司又提倡順應自然爲教授原則之說十八世紀瑞西廬梭復本自然主義盛道感覺教授法德國巴周篤復以汎愛主義證明自

然教授法廓氏學說遂風行於世至十九世紀教育界頓放一道光明千載而下猶令人欽仰其高風者則斐司塔若藉是也斐氏倡開發教授法其弟子狄司特蔚氏施之實地信仰愈篤然考古來教育家皆不過研究教授方法以明教授目的而教材之選擇排列以及統一諸法每多疎漏且於兒童心理狀態生理發達殆無有省察者焉能補此缺憾者實以德國有名之海爾巴脫氏爲先導其弟子杞魯來及來因氏合爲一派所謂形式階段說中心統合法開化史階段說用於實地雖不無扞格然於教育界畢竟是有特色與海氏同派以社會本體說明教育方法者復有德國威爾曼氏白尼克氏則說明教授與教育之關係者也其弟子脫雷斯爾氏復施行於實際然宗白氏之說說明教授方法而尤見精當者當推紀制鐵斯氏現今社會教育學說勢益蓬勃教授方法尤宜用力研求以達彼岸由是而言欲得教授之真面目研究之功豈可忽乎哉

凡研究當先區分其題目從各部分細細討論以臻極點何則研究教授方法如僅

在傳達知識技能固可立一定標準永不變移無如兒童本性非常活動其生理狀態心理作用之發達隨時隨地而有所差異况聚集羣兒於一室個性各異斷不能一律相待是豈非困難事乎不但此也教材之選擇排列又須調查費研究之功亦不鮮蓋教授雖爲一種技術習熟既久不知不識亦能達其目的然欲得經驗之結果非細心攷察不可此所以重在乎研究也

社會愈複雜人事愈繁盛選擇教材尤重注意教授方法苟非更深研究教育事業必不能期其奏效雖然教材雖多學年有限欲共相磨勵以冀善良效果教授方案是亦不可不知

小學教授法固爲重要中等教育教授法之研究殆亦未可輕忽兒童小學畢業升入中學學力尙淺疑難必多至於師範尤宜應學科性質而細心推究其教授之法故是書於初等中等並論及之

第二章 現今教育界教授之缺點

今之有識之士見畢業兒童學識之不完備莫不引爲深痛而知教授之不可不改良夫所謂教授改良者有實質形式之分實質方面在研究心理學使兒童心意不至過勞研究生理學使兒童體育逐漸發達而以改正試驗方法減少小學文字爲尤要形式方面在求教授方法之適當而已今之教授不能奏效雖不能全然歸咎於方法而要知方法之不適當實爲主要原因今更就其缺點論之

一不能理解各科教授要旨 教授而不知各科要旨必不能達其目的今之小學教師能明白教授要旨者甚鮮觀其所授教材所定時刻而可以證明之矣既無命意安能有效

二不能教完教科書 今之學校定教授細目者甚少及一學年末各科程度先後不一且有一卷尙未讀完而又使購換新書者求其聯絡自形困難修身算術地理歷史等科更無論矣

教材不注意準備不充足教室內皆爲空費光陰之地按時授課徒屬繁文必至有

問答失當論理欠明證明不得要領進行多所遲疑諸弊悠悠忽忽渡過時刻甚可
歎也吾望執教鞭者一迴思之

三拘泥教授形式 自海爾巴脫派主張五段教授法一時勢力蓬勃風靡教授界
以實際言之可用之時甚多然海氏善用問答苟做效不良必至真正教授置於度
外亦不可不知也

四教科書少連結 初等教育之教科書爲教授上之金城鐵壁或攻或守皆必以
此爲根據欲求教授效果永遠不滅有心教師當必時以互相密接處處活用爲箴
銘然有一種教師欲銜一己之博識教科書外插入毫無關係聯絡之語甚多甚無
謂也

凡教授者不在教師之能教而在兒童之能學近有一種教師採用坊間不適當之
教授本不揣自己知力與兒童學力徹頭徹尾一一加入甚至有依他人所作死教
案而敷衍一時者既無良效果欲求連結更屬夢想中等教育此弊尤甚豈不可歎

五復習法不注重 教授效果以層層相積濫故知新庶幾有得乃今之教師教授之際既不能使兒童切實明瞭而復習一事又不注重是日日以不消化食物堆積腸胃也無怪乎兒童生氣全無興味索然矣吾甚望今之任初等中等教育者深思之

六教授者精神不足 精神不足亦決不能達其教授目的孔子之誨人不倦裴司塔若藉之爲人不爲己皆其精神表現之所在夫所謂精神者亦不外以教授材料融會貫通一片熱誠感化兒童使其能解而後已茲錄奧國博士美知希氏所具教授精神之要素如左

一知識完全明瞭而又汎溢

二進步奮勵

三熱心職務

四慈愛生徒

五有善良之氣質

七教授不適兒童身心之發達 教授須以兒童既有觀念爲基礎并擇兒童身體所堪任者授以知識技能此實教授原則而根本上之原理盡在於此矣凡爲教師莫不當奉爲金言乃今之教授者選擇教材對於兒童舊觀念之如何毫不加察而但苦心經營於教案上夫教案非爲人觀賞之品不過順應兒童身心之發達取適當材料助吾記憶而已不然雖製作完備有何用乎

八選擇教材之粗漏 教材選擇爲教育上最重要事蓋宇宙之間自然物及自然現象之流行所在皆是必求其堪爲人間重要事項之代表且合於兒童身心發達者乃可以收教育之效故學部雖有教科程度教材範圍之規定而細微之處全在教師活用必教授時兒童均能營營自動生氣蓬勃興味郁郁庶可以收實效

第三章 真正教授法之批評

凡學術技藝有公正批評於進步實有裨益教授法雖屬一種技術而實爲精神上

之化育比其他技藝更須有精當之批評無論矣乃今之批評會及教授者均未就於研究之途深可慨歎故教師立於教壇絕無態度言語曖昧舉動粗野書板惡劣不堪入目且使用之法既無體裁又無統系觀其神氣有氣餒者有呆鈍者有狼狽者有大聲疾呼者其善爲滑稽者則不求兒童心身之狀態滿口支離手舞足蹈自鳴得意其爲膽怯者則左顧右盼喋喋不休頗如老僧誦經諂態畢露自稱盡職至於批評會非相攻擊即相附和非爲強辭奪理即爲諂諛逢迎指謫小故拘泥末節不能證明學理之不符而僅嗤其實際之不當對於教者如審罪犯毫無敬愛之意此豈教授法批評之本意乎

所謂真正教授法批評者一在脫去無價值之虛譽一在除去無理解之盲說僅就教授者處理教材之方法及熱誠而表其同情故一切批評須爲建設的不可爲破壞的須爲實際的不可爲理想的須爲總括全體的不可爲枝枝節節的須爲連續一氣的不可爲零星片碎的對於教者呈極親切之名言表極誠摯之情意使教授

者可以返省參觀者亦多參攷庶乎可也

